

Des Kl. ... zels

LVIII

¶ Item merck / in der gemeinen habe ist das wesen oder der gewalt des / der erbeit / mechtiger vnd grösser dann des andern.

¶ Item / wan den glaubigern ist in einer gemein ein habe zu geteilt.

¶ Formier also dein Klage.

¶ Herr Richter / ich Klage euch vnd sprich / das dz hauf alda gelegen / ist mir vnd .X. vmb .v. pfund in gemein verpfandt / vnd wann nun der genant besitzent das dz hauf mir vnd jm verpfandt sei in gemein / vnd ich wil von der gemeinschaft lassen. Bit ich euch / das jr einen vnder vnser pfandegnossen mit einwrem rechtlichen spruch zu vtheilt in dem genanten hauf / vnd den dem pfandrechte zugesprochen würt / dem andern sein schuld zu geben / darumb er dan pfands recht in dem hauf gehabt hat / verdammet / angesehen / das dz pfand besser ist denn die schuld geschetzt mag werden.

¶ Item / wo aber das pfand also vil nit wert were / so solt der / dem dann das hauf zugeteilt würt / nit verdampft werden die gangen schuld dem andern zu bezalen / sunder er würt nur allein verdampft in dem / als es warlich were

ff. col. titul. l. e. 4. ff. duo. r. 4. incertus.

¶ Item merck / ist einer in der teilung des erbs oder der habe so die teylung außserhalb des gerichtts geschehen / über das halb teil rechts werts betrogen / mag dise Klage führen.

¶ Herr richter / ich Klage euch über .X. als das erb auß dem testament oder on testamēt mir vn. X. gefallen ist / vnd ich vn der genant .X. haben vnser des erbs vnderwunden / vnd außserhalb des gerichtts geteilt / vnd wann ich aber in der teilung hinn betrogen worden / über das halb theil rechts werts / wan das halb theil erbs das mir vngeteilt zu hat gehört / ist .viii. pfund wert gewesen. Bit ic. erkennen / das mir der genant .X. die .iv. pfund die mir außsteen / auff das / das ich gleichen wert meins teyls hab / sol geben / wo er aber solichs nit thun wolt. Bit ich euch / das jr das genant erb zwischen mir vnd jm mit vteyl teylent / yeglichem sein halb theyl zu sprechen.

¶ Item / desgleichen magstu auch Klagen / bistu betrogen worden im teylen von gemeinschaft wegen.

¶ Item / in der Klage steet nemlich / dz die teylung außserhalb des gerichtts geschehen sey / wan were sie in gericht / das ist / von des richters heissen so er erwan einem darzu geben hetze / geschehen / möchtestu nit Klagen / wan dir widerstünde die exceptio rei indicate / das die sach geurtteilt were.

¶ Item / darumb ist er dir schuldig / dz dir außsteet zu erfüllen vn wolt er dz nit thun / das als dann die teylung geschehe / wann jm .X. sol die wal geben werden ob er wöll erfüllen den rechten wert oder ob er wölte dz wider geteilt werden.

De actione ex stipulatu.

¶ So einer dem andern etwas verheißt mit der hande.

¶ So einer dem andern etwas verheißt / auß was vsach / auß welcher pflichtung / auß welchem contract / es sey gewiß od vngewiß / das vtheissen ist (wan alles dz / das der mensch thun sol / dz ist vngewiß / dan er nichts gewissers hat dan den tode) gebürt dise Klage / doch so ferz / dz die pflichtung vn obligierig sey lauter / vnd nit auff ein nemlichen tag / oder mit geding / wann vor dem selben tag oder vor dem geding gebürt dise Klage nit. Also formier dein Klage

ff. si cer. pe cert. con ditio. 4. j. nisi.

¶ Herr richter ich Klage euch vo. X. der hat mir vtheissen auff mein frag / auff meinen grund alda gelegen ic. zu bauwen ein hauf von stein / od von holz / das da .vii. schüch weit .vii. schüch lang / vnd so vil in der höhe sey vmb .v. pfunde d münz so ich jm bezahlt hab / vn nun so vil zeit von der zeit als er mir es verheissen hat / vergangen ist / das er das genant hauf hat machen möge vn hat es doch nit gemacht. Bit ic. erkene / dz er mir schuldig sei mein schade

L iij